

La Usc di Ladins 19.12.2014


◆ La stüa dla Val Badia te n liber

Presentaziun dl catalogh dla mostra "Le cör dla ćiasa - La stüa tla Val Badia" chësta domënia ai 21 de dezëmbër 2014 dales 15:30 tl Museum Ladin Ćiastel de Tor

Sce i n'ëis nia ćiamò ponsè a na scincunda por Nadè, podess ester chësta la dërta ocasiun: le Museum Ladin Ćiastel de Tor à le plajëi da Ves invié ala presentaziun dl catalogh dla mostra "Le cör dla ćiasa - La stüa tla Val Badia", en domënia ai 21.12.2014 dales 15:30 domisdé.

Tl catalogh cïafëise tesć de Helmut Stampfer, Hans Griesmair y Emanuel Valentin cun dër de beles fotografies de Alfred Erardi y Gustav Willeit, y fotos da zacan fora dai archifs.

I nes aodun che la publicaziun pois sensibilisé la coletivité da reconësce le valor dla stüa, n patrimone cultural che foss da sconè y stravardè por dagnora.



Le cuertl dl liber.